

清代詩文集彙編 四四六

清愛堂集二十三卷 魏成憲撰

一

衍慶堂詩稿十卷 顏檢撰

一七三

洞樵詩稿八卷 石光宿撰

三七七

遂高堂詩集十卷 陳懋撰

四三五

飲綠山堂詩集十六卷 張鉉撰

五一七

三湖漁人全集八卷 劉士璋撰

六五三

聽秋軒詩集六卷 駱綺蘭撰

七六一

清愛堂集

姪謙升編校

清愛堂集

自序

僕生四齡吾母太恭人口授文選詩及唐宋人古今體詩作逮五歲時先大夫課以韻語有銜觴賦月明五字見嘗於杭華浦太史旋從吾師何春浩徵君暨舅氏吳竹堂進士學詩語雖不工性獨相近後出南昌彭文勤公河間紀文達公長洲褚篤心學士之門並以此事相期許數十年來海內詞流更唱迭和所作不少顧通籍後由西曹涉外臺不獲專且久於吟詠一道往時哭毅人祭酒以有正味齋集見示報以詩云爰書謝牘日盈尺誤了平生讀書計蓋自作也少壯漫成不自收拾及今遲暮思若涸空頃姪謙升鈔輯二十餘卷將以付梓復加披檢都不足存既念嚴慈之訓肇始童稚師友之益敢昧淵源又況當憶生平出處聚散一一如在目前結習未忘不忍委棄表弟錢學士林同學賈觀察聲德許學使乃清咸寄弁言中多溢美之詞未授雕人請以異日道光八年中秋仁和魏成憲識於學圃之晚香館時年七十有三

清愛堂集序

仁菴自記年譜

乾隆二十一年丙子秋九月二十六日丑時仁菴生於錢唐北郭米市巷之老屋先大父贈中憲大夫蘆溪公尚在堂大母章太恭人下世已八年先君贈中憲大夫秋浦公配先母吳恭人秋浦公同懷兄四人大先伯封州同知晉贈奉直大夫掌山東道監察御史瑤圖公二先伯贈朝議大夫戶部山西司員外郎國子監典簿靜庵公三先伯封奉直大夫刑部貴州司員外郎復堂公四先伯贈中憲大夫戶部山西司員外郎歲貢生候選訓導香城公時皆慶侍仁菴始生之前一夕吳恭人夢人授焉

年譜

一香櫟有枝葉因小名櫟命名成憲字寶臣及長號曰春松後得宋玉印章文爲仁菴又自號仁菴

丁丑仁菴年二歲是年冬秋浦公補博士弟子員學使者東武竇東臯先生

戊寅仁菴年三歲秋九月二弟彝憲生冬十一月先大父蘆溪公卒

己卯仁菴年四歲是年冬先恭人於懷抱授文選詩及唐宋人絕句

庚辰仁菴年五歲
辛巳仁菴年六歲始入家塾誦毛詩師先恭人之姪

歲貢生吳畚士先生經督課嚴而有恒每授讀後不滿百遍雖極熟不許輟背誦盡卷若一字錯更令追讀從師七年頗以爲苦十三經史記漢書文選皆畢功速後簿書鞅掌久不溫習故業而夙讀之書老而不忘皆此七年中先生之力

壬午仁菴年七歲

癸未仁菴年八歲是年冬讀周易師以重巽以申命句令屬對卽舉先經畢業尚書中允升于大猷句爲對師亟賞之

甲申仁菴年九歲是年冬秋浦公移居於侍御坊南之崇雅堂

年譜

乙酉仁菴年十歲夏五月三弟彝生弟嗣三先伯復堂公後

丙戌仁菴年十一歲

丁亥仁菴年十二歲夏五月四弟紹憲生
戊子仁菴年十三歲師聘君何春渚先生琪先生不習舉子業精於經史金石之學遂命學爲詩古文辭雖童年頗心好之是年春正月居鄉不戒於火

門閭燬焉

己丑仁菴年十四歲冬十月六弟景萬生

庚寅仁菴年十五歲師先恭人之伯兄邑增廣生吳六驥易氏克昇始習制藝讀書於舅家西爽園

辛卯仁菴年十六歲初應童子試不售是年冬讀書於湖上德生菴

壬辰仁菴年十七歲夏六月補仁和學博士弟子員學使者韓城王文端公是歲讀書於西山靈隱寺之松鶴山房

癸巳仁菴年十八歲讀書西爽園師先恭人之季兄乾隆癸未進士吳竹堂舅氏是年冬錫山秦太史端臣先生視學皖江延致竹堂先生於幕府因負笈從之游

甲午仁菴年十九歲是年春夏端臣先生按試廬鳳額三郡及六安泗滁和諸州余悉偕行得遊泗州

三書
都梁山源州醉翁亭亭藏歐陽公畫像上有李端叔晁悅之書贊並蒙

高廟賜題從袁文達公請也幸肅拜焉秋七月還里省試報罷

乙未仁菴年二十歲讀書湖上葛林園受知於學使者臨川李少司空西華先生每試必首選宋石經考一篇尤所擊賞食餼於庠冬十月元配湯恭人來歸乾隆庚辰舉人辛巳會試中正榜元內閣中書上選公女二姑母出

丙申仁菴年二十一歲館方谷園許氏受業者茂才華祝

丁酉仁菴年二十二歲仍館許氏夏六月試拔萃科

學使者王文端公賞爲遠大之器轉不令與茲選秋九月舉於鄉座主爲協揆南昌彭文勤公時官少司空官詹丹徒萊耕亭先生元第時官編修本房師爲義烏明府新城黃平山先生元煒揭曉後有賜學正銜同里趙公世玉及前靈石明府涿鹿胡公永龍就養其孫仁和官舍並以康熙丁酉舉人重宴鹿鳴文勤公首唱四詩門下士和者甚衆命余書爲二冊同年序齒余爲之殿

戊戌仁菴年二十三歲禮部試報罷是年春二弟彝憲補博士弟子員

四
年書
己亥仁菴年二十四歲秋七月長女瑞葆生冬十一月計偕北上

庚子仁菴年二十五歲禮部試再報罷同考官蕭侍御優獎文藝竟未一薦是秋鄉試二弟彝憲中式本省副榜

辛丑仁菴年二十六歲禮部試三報罷爲翰林學士王正亭先生坦修薦卷主司有五策詳贍之評訖置不錄夏四月南歸五月抵家前旬日家中不戒於火讀書之樓燼焉舊藏善本及手鈔祕籍金石圖繪蕩然無存乃生平一憾事冬十月江西學使者少司空胡文恪公招致幕下四弟紹憲從學

王寅仁菴年二十七歲在江西秋七月遊廬山觀漱

玉亭三峽橋瀑布之奇有匡廬紀遊略一卷

癸卯仁菴年二十八歲秋九月自江西歸里冬十一

月計偕北上

甲辰仁菴年二十九歲會試中式 殿試二甲四名

成進士座主爲相國漳浦蔡文恭公大宗伯長白

德文莊公協揆河間紀文達公時官總憲總憲仁

和胡文恪公時官少司空房師爲翰林學士長洲

褚筠心先生 廷璋 揭曉後恭逢

高廟六巡江浙展 廷試期一月試日定不給燭之例及

試卷式比前改小並自是科始前列十卷將奏進

年書

五

相國蔡文恭公已擬第一因首頁第八行脫寫一

字經南昌彭文勤公籤出抑置第七時相國阿文

成公以刑部需人奏請多派數員引

見時

上親御丹毫注授凡滿漢十三人成憲名列第一到部後

在直隸司行走秋七月乞假歸省

乙巳仁菴年三十歲主講婺州麗正書院是年江浙

秋旱成菑西湖淺涸

丙午仁菴年三十一歲春二月北上元配湯恭人及

女瑞葆從焉四弟紹憲偕行肄業太學時早歎之

後流民滿野黃運淺阻夏六月方抵都湯恭人勞

勸成疾解裝旋卽呻吟誤於庸醫以閏七月十四

日下世秋九月旅櫬南還四弟率瑞葆回里形影

羈孤遂依棲於胡文恪公邸第在西曹坐辦安徽

司事畫則趨公夜仍備書屬草

丁未仁菴年三十二歲在西曹夏六月奉派赴

圓明園詳校 文源閣四庫書偕同年吳石亭周

廉堂吳雲樵崔雲客四翰林同假直於澄懷園展

入酉出每日拜清茶暑湯之

賜抄萬大綴乳酥餅哈密瓜

恩資數四凡三閱月校畢吳柳村明經 爲作 西苑校

書圖卷題者甚多冬十一月阿文成公奏保提牢

年書

六

見除授凡在任一年先後共事者日 文通曰聯素通風二

君交勉以矜卹獄囚爲務十二月四弟復至京

戊申仁菴年三十三歲在西曹有歌郎陳盈官以色

藝冠一時素驕侈因事逮繫可獄繩以法抗不循

也因立予杖仍厯所司核訊何校遞籍同年張芥

舟詩云傲骨稜稜舉世驚西曹望重信陵名與君

欲賭旗亭壁更遣何人唱渭城韓桂舫詩云魏侯

骨聳精爽繫平生坦易無畦畛一臨大事決大疑

口吻風霜受者窘會臨狴獄敲奸偷木強不顧儕

輩哂皆指此事是年夏三弟恭補博士弟子員冬

十一月提牢得代授陝西司主事

己酉仁菴年三十四歲在西曹夏四月繼室秦泰人

來歸乾隆丙戌進士國子監司業湖公女秋八月

充順天鄉試同考官得士清和等十三人副榜二

人撥房中式者五人四弟以迴避不與試

庚戌仁菴年三十五歲在西曹恭遇

覃恩贈先祖蘆溪公爲奉直大夫刑部陝西司主事祖母

章爲宜人封秋浦公爲奉直大夫刑部陝西司主

事母吳爲宜人夏五月題授貴州司員外郎

辛亥仁菴年三十六歲在西曹秋九月題授四川司

郎中

年譜

七

壬子仁菴年三十七歲在西曹冬十一月奉派詣

文淵閣詳校四庫書

癸丑仁菴年三十八歲在西曹春二月抱劇疾瀕危

數四閱兩月乃瘳夏五月六弟景萬補博士弟子

員冬十二月以失察四川省遺漏秋錄情實人犯

一名自行檢舉經吏部議降二級因級不敷抵仍

降一級調用相國阿文成公謂余素性孤介必無

力相復原官卽以熟習職務而奏隨與各堂官具

摺保請照所降之級補用仰蒙

恩旨准開刑部後余感舊詩有云惟將耿介酬知己說著

恩言派便紅蓋紀實也

甲寅仁菴年三十九歲在西曹春三月補授安徽司

員外郎充律例館纂脩夏四月特拜荷包包扇之

賜秋八月充順天鄉試同考官得士蕭培厚等十三人副

榜三人撥房中式者六人四弟以迴避不與試是

歲連次承辦

廷鞫重案屢蒙

賞賜克食

乙卯仁菴年四十歲在西曹時

高宗純皇帝以新疆黑龍江等處追犯日積日多有本罪

止於杖徒軍流核辦時從重問擬者交軍機大臣

會同刑部查核分別減等爲從來未有之曠典經

年譜

八

堂上官崇派與委可亭郎中行簡逐案逐名悉心

核議可亭兼直樞省復專以屬余余念邊方久戍

人數盈萬幸際

聖恩寬大法外施仁而歷年久遠刑部載經回祿成案不

全惟在慎重周詳方足以廣

皇仁而昭矜恤行准新疆等處冊報遺犯共九千八百二

十一名余稽核爰書準酌情理除情罪本重擬不

准者三千四百名外餘擬卽釋卽減徒者共二千

九百六十八名分別滿五年十年二十年再予減

釋者計三千四百五十三名逐加詳勘與可亭再

四諮商由堂上官會核畫諾奏上得奉

俞旨是役也同曹初以艱鉅之責代爲惻心余積半年晝夜力於案牘叢殘中手披目視草成奏牘萬頁深以不致隕越爲幸秋八月充順天鄉試同考官得士解元王廷藩等十三人副榜二人撥房中式者四人四弟以迴避不與試九月題授廣東司郎中嘉慶元年丙辰仁菴年四十一歲在西曹元旦

授
受禮成恭遇

覃恩晉贈先祖蘆溪公爲朝議大夫刑部廣東司郎中
祖母章爲恭人晉封秋浦公爲朝議大夫刑部廣東司郎中母吳爲恭人春二月都察院奏江南興

年譜

九

化縣民陸錦書呈控縣書聲官開征一案

命署少司寇

伊江阿

公馳往審辦余與金臺員外亮保隨

行以三月上旬抵境核訊定擬十日肅事回棹時適秋浦公有高郵之役不期相值舟中侍奉數日至公路浦登車拜辭北上揚州羅兩峯山人聘爲作官舫侍膳圖海內詞人題成巨卷

丁巳仁菴年四十二歲在西曹秋八月阿文成公薨

繼任總理秋官者爲大學士和伯一日余赴直廬白事多辨難同年友陳質齋少宰時爲吏部郎文遠臯中丞時爲辦事翰林適在列牽余袂至戶外日

屢持不可殊非閭閻之義余曰民命至重少依違則說不能達矣已而和伯悉如余說行冬十一月男謙晉生
戊午仁菴年四十三歲 京察一等引
見記名奉
旨補授江南揚州府知府春二月朔請
訓蒙
召見於
養心殿
垂詢出身家世敬謹奏對
太上皇帝謂汝是讀書人家並
諭以清廉愛百姓者再成意之以清愛名堂及繪讀書人家之圖誌
恩遇也三月挈家買舟南下夏六月到郡時值小旱步禱卽沛甘霖而秦州東臺興化寶應得雨少遲親往履勘詳請緩征又以郡城河淤淺籌款疏濬是秋鄉試文闈江都黃生承吉武岡甘泉張生金彪並冠榜首越歲會試江都史君致儼以南宮第一入詞垣堪輿家謂爲脩復水利之驗亦偶然耳秋八月三弟蓉力疾赴省試試後加劇不起九月秋浦公偕太恭人就養郡署
已未仁菴年四十四歲正月初三日

高宗純皇帝龍馭上賓

哀詔至朝夕哭臨敬念自成進士卽蒙

特授刑曹嗣後資淺題升左遷留部屢叨

俞允兼荷

恩褒并富祇承

廷翰克食

賚及小臣中秘絀書珍

賜出於內府去春上考

記名出守陳謝踴聆

天語勉奮殊常悲感交縈涕泗橫集

山陵禮成恭遇

年譜

七

覃恩晉封秋浦公爲朝議大夫江南揚州府知府母吳爲

恭人而贈元配湯封繼室秦均爲恭人夏四月制

府費文恪公檄調至江寧遵

旨復鞠先經正法副將楊天相一案是案副將以獲盜報

制府蘇相國訊非實情行查閩省未准咨復卽以

誣良爲盜定擬中外傳爲疑獄余檢查案牘核訊

證佐與原問一一符合力持復查閩省之議期於

鑑空衡平旋准閩浙諸大府密細詢訪實屬良民

奏奉

俞旨朝野始無間言秋八月奏護常鎮通道築冬十一

月奉

伯埭阻凍

庚申仁菴年四十五歲春正月赴江寧任督糧道事

夏四月長女瑞葆贊婿張茂才泰泉是月督運北

上時方奉整飭漕務之

諭旨力矢清慎以運兌好米官丁交便爲兢兢有運升一

人於受兌開行後復以米色不純具稟余廉知貪

僞親臨水次傳集官弁驗明實係好米將捏稟之

運升立子細責通幫肅然遵行無滯抵通州逐一

交卸惟松江糴米不足數經倉場奏

聞將旗丁拿交刑部運升一併革訊余知爲沿途食耗並

年譜

七

無他弊照例籌款買補並具牒據實申部訊供無

異復奏後檄坐糧廳驗米補收革弁開復擬杖之

旗丁並予免罪是役也余裁禁陋規酌定經制傳

籌握算日發百兩炎風烈日中或乘單舸或駕小

車往來催察幸免咎尤六月初九日先大夫棄養

於金陵官署制府費文恪公馳奏上

聞是月二十六日在張家灣水次聞赴呼號莫及痛不自

持交篆星奔旋署秋八月奉吾母吳太恭人扶護

回里遵例入城治喪淺厝於臯亭山麓

辛酉仁菴年四十六歲守制在里恭遇

覃恩晉贈蘆溪公爲中憲大夫江南江安督糧道祖母章

爲恭人秋浦公爲中憲大夫江南江安督糧道晉封母吳爲太恭人

壬戌仁菴年四十七歲守制在里夏四月舅氏竹堂先生卒於蘇州平江書院馳往護喪五月仲姪諱泰補博士弟子員冬十一月服闋十二月北上舟抵袁浦內弟秦君用翰官清河縣廣文雷署度歲癸亥仁菴年四十八歲春正月杪抵京寄居旅店溫習經史徧遊城南古寺訪碑看花頗得閒靜之樂三月二十五日奉

旨補授山東兗沂曹濟道翼日請

訓蒙

年譜

主

召見於

勤政殿

上謂汝非有人保舉由朕親用並諄諄以察吏安民爲諭單車之官夏四月二十六日任事越三日詣

闕里敬謁

聖廟並展

孔林五月赴曹單工次防伏秋大汛至霜降後已慶安瀾忽豫省衛家樓河隄漫溢兗曹地居下游壽張陽穀荷澤定陶曹單濮范鄆城鉅野等屬被浸成苗秋九月十六日聞信星馳履勘亟加撫卹中丞鐵公命議大賑章程余周諮寮友采訪紳耆擬就規

條二十四則中丞刊發有蕭州縣遵行設粥賑數十處集捐棉衣十餘萬領余親赴各鄉村抽查戶口分別極貧次貧自仲冬至季春本色折色核實兼放與舊民相見於泥淖中有感泣者余有示牧令詩云流亡皆赤子慙愧俸錢多忍使千家哭愁連萬井波長委資蓋裏凍澤轉陽和默默情難說新霜鬢漸皤冬十一月六弟景萬奉吾母太恭人至署余方在濮陽察賑接太恭人諭盡心賑卹不必急謀覲省敬賦詩云一紙家書抵萬金王程還念我登臨正逢肅雁劬勞日多感慈烏惻隱心土銕煙騰新脫粟木棉衣暖舊紵箴如何衆母兒身任愛惜蒼生母訓深遽小除日甫得旋署拜見太恭人起居康強幸遂膝下團圓之樂甲子仁菴年四十九歲新正三日即赴濮范一帶察賑與孫觀察星衍偕在濮陽同勘金隄有聯句五言古詩一首夏四月銜工合龍賑務報歲始終無一道殫之人亦未有陳訴之牒而髮鬚自此見白矣五月詣曹單工次防汛秋九月奏報安瀾因念太恭人就養後水土不甚相宜飲食少減且職在隄防常駐工所不獲晨昏定省即具公牘乞養并以詩上鐵中丞云莫慮飢寒計俸錢慈雲冉冉夕陽天只緣烏鳥投林急不爲鱸魚入饌鮮霜後孤

筠須愛護風前殘燭怕流連此情大府如憐許猶
及深秋下水船旋以鐵中丞與徐節帥堅留不得
請是年五月姪彭年補博士弟子員

乙丑仁菴年五十歲春正月赴濟南謁鐵中丞力陳
歸養之情已荷憐許旋具願資申適中丞晉督江
南正在據情懇疏李節帥以莅任未久正資佐理
馳書阻止鐵公臨行仍以手札勸留余無如何也
夏五月赴工防汛太恭人起居如常而飲食減少
日進參劑余日夜眷戀喜少懼多秋九月三日接
六弟信云近日太恭人小恙余即晝夜遄程以初
六日回署見太恭人於榻前諭云別無所苦但喜

睡不喜飲食耳余侍疾焦灼醫藥無功時妹婿陳
明府日寄入都謁選挈二妹來於初十日晚抵署
太恭人喜劇扶病起坐笑語有加連日勉進粥糜
少許良醫束手但以參麥湯爲引猝於十四日壽
終余自工次馳回未及一旬竟遭大故捨地呼天
生不如死與六弟扶柩縋涕上登舟南下入城治
喪詎二弟於聞赴後哀毀致疾以逝到家已不及
見皆余不孝不弟之愆痛哉冬十二月接部牒知
守揚時失察儀徵縣私梟一案被議降一級

特旨俟服闋赴補之日吏部帶領引見再降

諭旨榮榮辭民不更計黜陟矣

丙寅仁菴年五十一歲守制在里夏六月江南鐵制
府與

欽使戴家宰徐節帥聯銜具奏以要工需員請將丁憂在
籍之魏成憲調取委用得

旨魏成憲尚未服闋不得開奪情之漸不准發往苦由餘
生上荷

孝治於全涕泗感激沒齒不忘冬十月合葬先贈公暨先
太恭人於佛日塢高郵王觀察念孫爲誌壙中石

吳縣潘學使世恩表其墓墓距先大父蘆溪公兆
城半里而近以二弟彝憲二弟婦張附於其廬三

世體魄相依體先志也十二月葬原配湯恭人於
櫻桃原吳祭酒錫慶誌之是歲倡捐重葺慈谿祖

祠
丁卯仁菴年五十二歲守制在里先贈公桂巖小隱

集中有集文選詩句五言律十六首梁學士山舟
先生爲書長卷并跋云有鈎心闕角之奇而無聲

牙距齒之病若忘其爲選詩者洵前人所未有成
憲拜受珍感急壽諸石願世世子孫寶藏之冬十

月春渚先生下世經紀其喪十二月服闋

戊辰仁菴年五十三歲夏四月回慈谿敬展列世祖
墓時新葺祖祠落成奉先贈公栗主附祀姪承恩

清代詩文集彙編

一〇

偕行成禮而還五月雨多傷禾米價驟貴冬十一月爲舅氏六姨吳公營葬於阜亭山之麓表兄翁士升生訃焉

巳巳仁菴年五十四歲夏四月通

旨引

見仰荷

特恩以六部員外郎用復玷之餘京曹仍泮榮感異常時

刑部長官將奏留余婉辭焉遂以五月旌里冬十

月恭逢

聖主五旬萬壽偕耆紳梁學士諸公敬建經壇虔申懇祝

庚午仁菴年五十五歲春江南松制府招致幕府夏

年譜

七

五月辭歸

辛未仁菴年五十六歲主講崇文書院夏六月赴湖

州會葬侯神菴兵部健神菴甲辰會元鄉會試

並與余同舉下世二十五年尚在淺土遺孤貧不

能自存因與三數同年爲麥舟之助賈吉壤合窆

焉次年其少子履元補博士弟子員始有室

壬申仁菴年五十七歲主講崇文書院秋八月廷承

恩以主簿分發甘肅冬十二月以說墓金三百分

贈三黨中寒人自顧無以卒歲則需敵裘焉時學

使者周廉堂同年分俸二十金見貽謝之以詩云

窮交散盡賁文錢昨夜清寒剩一樽飲水心期差

自喜斗升分到必康泉石門陳梅垞少司馬應同年卒逾十載至如懸磬僅一孫纔八齡冬十二月特往會葬風雪歸舟到家正塗電日

癸酉仁菴年五十八歲主講崇文書院春三月三日

與莫澹山澹高未堂家朱友鶴邦高邁菴崗

程修稷雅集五人合三百四十一歲皆丁酉同年

也自是月必有集略仿真率會遇菴作苦岑蘭會

圖各賦一詩同人題者甚衆同年蔣礪堂制府書

幣見招因作粵游冬杪始達羊城館於節署十二

月男焜棟生余方在粵命小名曰荔生

甲戌仁菴年五十九歲春二月蔣制府奉

年譜

八

命赴廣西勾當公事邀余偕行歷梧州平樂桂林柳州南

寧潯州諸郡攬陽朔山崑崙關昭平峽之勝謁柳

柳州祠堂觀龍隱洞宋元祐黨籍摩崖碑因題名

於石壁妹婿陳日壽時官永康州牧舟次來見二

妹已下世追話涕洟水陸半年秋仲方回羊城有

騷詩草一卷是年四弟紹憲需次閩中旋補祥

豐場大使六弟景萬貢人成均

乙亥仁菴年六十歲春三月自羊城歸舟謁南海神

廟觀銅鼓登浴日亭遊峽山寺淙碧軒觀瀑布上

觀音巖夏四月抵家姪兆奎姪孫大綱同案補博

士弟子員秋七月北上至濟寧病作力疾登車不

事醫藥八月杪抵京乃愈解裝於寄園之古藤清舍

丙子仁菴年六十一歲春二月銓補戶部四川司員外郎充則例館提調總辦現審處事旗民交涉地畝案件文移查勘月日經久至有十餘年不結者每案塵牘盈尺披閱易疲吏因生奸民不堪命余悉心核訊逐案清釐一經審結兩造退無異詞於旗民不無裨益是秋姪彭年舉於鄉

丁丑仁菴年六十二歲在農曹管理捐納房事春二月有刑部獄囚兆昌拾獲司獄吉椿無名冒罵字蹟輒誣捏重情妄告一案

年譜

七

特命重臣嚴審余奉派往鞫不事刑求四日而真情斯得省釋無辜甚衆時論題之姪彭年公車入都晨夕相對旅中至樂薦而未售首夏別歸姪謙升歲試補博士弟子員以古學見賞文宗爲杭郡第一男謙晉娶婦孫氏

戊寅仁菴年六十三歲在農曹吾鄉舊有浙水慈航之舉爲鄉人旅觀無歸者附載南還近以運資不繼事不果行余請之富春董太傅率先捐俸與同年茹大司空謙金集成有生息之款有取租之屋酌定規條歲歲運資以裕立石於長椿寺之妙光閣期於經久踵行秋七月姪謙震繩試同案補博

士弟子員第三女歸壻孫茂才曰庠海鹽陳南叔爲余寫寄園種花圖

已卯仁菴年六十四歲在農曹恭逢

聖主六旬萬壽

覃恩具陳陳情贈外祖父吳公

中定

爲奉政大夫戶部

山西司員外郎外祖母高爲宜人春三月姪彭年試禮部仍薦而未售與吳表姪庚俱留京同寓寄園同人結文字之會時爲評騭冬十月撰進五言長律庚辰全韻詩祝

嚴蒙

恩陳設

年譜

七

御園十二月保舉御史引

見記名

庚辰仁菴年六十五歲在農曹姪彭年試禮部主司

已列中卷仍以額滿被落夏四月南歸是秋

仁宗睿皇帝駕幸避暑山莊七月二十五日

龍馭上賓

哀詔至京隨班行禮敬念自嘉慶三年上考出守未及兩

年

特擢糧道服闋赴補越次超除

召對時蒙

諭汝非有人保舉由朕親用嗣居憂在里吏議議級得

旨俟服闋引見再降諭旨旋經江南大吏奏調蒙

恩不准奪情迨邊

旨引

見榮改京曹追溯回環哀號絕此幾盡小臣不能自己

之感痛也冬十一月清釐現審處積訟兩月之內

核結一百八十餘案硯冰燈地披閱忘疲並以恭

逢

恩詔官員臨項得邀豁免謹推廣

德意撰擬奏草其略云查戶部現審處積年已結之案

有因追違例地價花利漏稅銀兩未完不能銷案

者共二百餘案應追銀約五萬餘兩此等追款既

年譜

主

非拖欠官租亦未侵用官項只以嚴禁旗民交產

因而追罰示懲日久催追仍少完報請將定案在

恩詔以前者援照豁免以廣

皇仁而清塵牘由堂上官具奏得

旨英和等奏該部積年應追未完違例地價花利漏稅

銀五萬餘兩凡在恩詔以前者均著豁免以廣恩施

欽此

道光元年辛巳仁菴年六十六歲在農曹充則例館

總纂夏四月山西孟縣民秦美章以丁糧不清累

及里長等情在半壁店道旁叩

關交刑部審明將秦美章依銜突儀仗例杖一百發邊

遠充軍事在道光元年四月初七日

恩詔以前係因輪充里長為窮丁賠累受苦急切申訴

情尚可原應減為杖一百徒三年至所控各情事

關民瘼不得以該犯罪有應得不為查辦致小民

苦累情形無由自達查地畝丁糧事隸戶部應請

旨勅下戶部將該縣丁糧應否照該省節次改攤成案

並此外尚有丁糧未經合辦之各州縣一體詳查

妥議具奏等因奉

旨依議欽此其時同官咸以事涉更張應聽督省自行

辦理為言余力持不可即主疏稿其略云臣等伏

查山西省一百一州縣向係丁徭地糧分款征收

年譜

主

嗣緣無業貧民艱於輸納節經歷任撫臣先後將

太原等八十一州縣丁徭銀兩或全行歸入地糧

或酌歸一半攤征俱經臣部議覆准行有案惟孟

縣與縣陽曲右玉遼州陽高絳州岢嵐州應州永

和寧武神池偏關五寨稷山絳縣嵐縣平魯壽陽

靈邱計二十州縣尚有額征丁徭銀兩未經議改

今孟縣民人疊有控案此次秦美章冒昧叩

關經刑部查訊實因苦累情急事關民瘼似應循照歷

次將丁銀歸入地糧之成案准予攤征況該省由

分改合之州縣數已過半均未見有攤控之事而

孟縣民人則以丁糧分攤苦累情形疊控不已是

前此該縣詳稱民久相安毋庸更張之語竟難憑信况編丁已久每歲總照原額催征其一丁頂完一二十丁及逃亡故絕之戶勢難完納亦係實情即如嘉慶二十四年十一月內撫臣成格具奏岢嵐保德二州丁銀缺額攤賠滋累請在通省養廉內照數攤捐蒙

仁宗睿皇帝恩旨國家惠愛黎元既知小民瘼苦豈尚計及銅鉢征收缺額之賦所有岢嵐州缺額銀一千五百八兩零保德州缺額銀七百七十七兩零著即加恩按年豁免以示朕勤恤民瘼至意欽此

天恩浩蕩洞悉民艱是丁徭無著之銀必致有虧正額而

年書

畫

歸併地糧之賦總可按畝攤征在

國課不減絲毫於小民實多便益且嘉慶十七年蒲

縣丁歸地糧之案即係該省巡撫奏改臣部核議

照覆奏蒙

俞旨遵行今孟縣事同一例未便獨令向隅相應請

旨飭交山西巡撫秉公查案據實議奏毋任該州縣迴

護嚴詳仍滋訟蔓至刑部原奏又稱此外尚有丁

糧未經合辦之各州縣通盤籌畫一體詳查妥議

等語查興縣陽曲等十九州縣額征丁徭該省從

未議及是否舊章可循毋庸更改抑係情事相同

應歸畫一之處并令該撫體訪輿情據實具奏請

旨裁定總期均課便民等語奏上得

旨山西省州縣向來丁徭地糧分款征收嗣因貧民輸納維艱節經奏准將丁徭銀兩歸入地糧攤征已有八十一州縣惟孟縣等二十州縣未經議改疊經縣民以苦累呈控現經戶部查明該省編丁已久若照原額催征其一丁頂完一二十丁及逃亡故絕之戶勢難完納請仍照成案將孟縣丁銀歸入地糧攤征著交成格秉公查辦勿聽州縣迴護據詳同卹民瘼其興縣等十九州縣情形是否相同並著該撫體訪輿情次第酌擬具奏欽此冬十一月補授山東道監察御史

年書

畫

壬午仁菴年六十七歲春正月奏清訟安民摺奉

上諭御史魏成憲奏請明定現審章程一摺戶部現審

處管理旗民田土案件其無地檔界據者原不准率

行查辦至提訊人證尤不應閱傳四出擾累無辜但

例內並無明禁誠恐書吏納賄舞文司員因循遷就

致乖清訟安民之意嗣後呈控旗地到部分別老園

界置查檔驗界確有憑據方准究辦毋得僅憑呈控

之詞遽准審理其應提人證除近在大宛五城地方

者仍照舊票傳外若關提京外人證概行具稿呈堂

用印行文如有票仰司坊關提者將承辦司員參處

著戶部彙入則例永遠遵行欽此夏四月聞四弟閔

三月之喪客中哭之哀自是而歸計決矣五月題
掌山東道考試旗童得

旨著保福魏成憲監試都察院奏派接查北新倉奉

硃筆圈出魏成憲即日任事六月奏請疏通部屬摺奉

硃批軍機大臣會同吏部議奏欽此秋七月順天府奏

派查勘貢院奉

硃筆圈出佟濟魏成憲勘畢遞摺奉

旨知道了欽此九月署工科掌印給事中冬十二月奏

請鄉會試復性理論摺奉

硃批大學士會同禮部議奏欽此

癸未仁菴年六十八歲春三月乞假南歸以上已後

年譜

妻

一日首涂月杪抵里意有所觸口占成詠有南歸

詩草一卷男焜棟聘婦邵氏

甲申仁菴年六十九歲主講吳門正誼書院姪謙升

從學冬十一月遷杭祖祠落成與諸兄弟姪姪孫

等謹按昭穆以次安位行家祭禮一一如儀敬奉

先大夫先太恭人神位時泣然淚下念孤兒之暮

齒感先澤之甯詒一息苟存兢兢業業願吾家佳

子弟其諒此心而已是月六弟婦王病歿此吾家

賢婦爲之作傳從謙升請也

乙酉仁菴年七十歲主講正誼書院春三月回慈溪

敬展先世祖墓是秋姪繩武舉於鄉冬十月臥病

幾殆閱兩月始瘳歸孫氏第三女粹逝病餘不勝
悲痛

丙戌仁菴年七十一歲主講正誼書院姪謙升從學

姪孫受田歲試補博士弟子員

丁亥仁菴年七十二歲主講金陵鍾山書院春秋佳

日與張古餘觀察敦仁方芥山廡訪體豐秩山觀

察會輯孫尹圖刺史源瀚諸君迭主游山觴詠間

作

戊子仁菴年七十三歲主講里中紫陽書院夏五月

冢婦孫氏病歿姪謙泰謙升男謙晉以官卷同應

鄉試姪謙升文爲楊鷺洲明府時雍力薦主司已

妻

妻

列中登旋以額隘見遺是年與六弟爲洞霄大滌

西溪之游謙升爲余校棗清愛堂集冬十月訖工

己丑仁菴年七十四歲主講紫陽書院夏四月長婿

張泰泉病歿男焜棟歲試補博士弟子員

庚寅仁菴年七十五歲主講紫陽書院春正月長女

瑞葆粹逝五十年父女一旦先我而去摧腸湧淚

幾不自持吾衰益甚矣秋九月第四女歸壻許學

謙

辛卯仁菴年七十六歲主講紫陽書院夏四月男謙

晉續娶婦吳氏

清愛堂集卷一

魏成憲

經進存案上

恭慶

皇上六旬萬壽庚辰全韻詩冊 有序

皇帝御宇之二十有四年恭屆

聖壽周甲

慶辰百爾臣工鑾鼓軒舞咸思雍容揄揚以致天保九如之頌特荷

垂鑒衆忱推廣前則凡曹司之繇甲科通籍得膺文枋者並許撰進詞章甚盛典也 臣成憲 浙西楊標楷學鈔聞曩

清愛堂集卷一

十

直雲司屢襄文字之役曾宣風於吳魯之圻

恩耀農曾幸逢

嘉會竊以榮與賡賜爲

殊寵歡喜讀頌莫可名言洪 正

聖躬誕育歲紀庚辰攷爾雅太歲在庚日上章漢志則謂振美於辰其在成周武王以庚寅文王以壬辰後先遙適協貞符夫乾坤之容日月之光洵非小言所能摹繪今將導揚

盛德鋪張

鴻猷敬卽庚辰二字廕敝全韻兼綜而條貫之以昭由庚章顯之

上理以振

撫辰美盛之和聲且以華嚴字母孳衍無疆用徵

萬年有道得全全昌之

景運謹拜手稽首以獻其詞日

寶錄肇先庚

昌辰湖

篤生

慶源朱果衍瑞應赤符貞育夏甄殷會流虹繞電顧執徐年卜大基福序占更

天縱欽明質

親隆佑啟情紹

清愛堂集卷一

二

聞詒燕翼同

寢肅雞鳴入學經全貫

冲齡

詠早賡

綵衣

椿萱披泉雨竹春榮 恭頌 御製味 餘書室全集序甲辰年恭和 遊龍井詩中泉雷 忽疑兩竹春不知秋十字係 皇考升毫改定之句

緒默承

恩攢

宮先毓慶營層霄雲紉縵重潤海滄濤蕩蕩平平際曉曉倅倅并

中天輝復旦

大寶

授元正泰運符殿笑

乾綱治振聲

孝隆天下

恭

集富味餘成

吳緯垂熙治崇禎慎旦明

郊

壇通胎靈賜雨肅零祭灌豈方和鬱升藉特用駢旅供金

版祝豐絮玉柔盛緯豈香留鄭儀非時築歲百靈增爵秩

清愛堂集卷一

二

羣祀廣銓往

昭事

宮蒼眷恭先

世德宏鑄豐恢局奕

謨

烈久彪彌

祖格龍旂湧

神歌鳳奏錡吉錫彌俊懷

寶錄卽緒獎

瑤牒漢分族彤魚姓別甥系支聯石韋惇叙戒弓解孺乘

猷華譚神聽相鳥嚶凡皆推

錫類長此篤宗勅騎射燭教練衣冠改飭薛歲方周一紀

駕再詣陪京往者瞻松杏脩之辟聚榷艱難思

櫛沐翔集見鸞鵠

偉業敘雄甲勳臣酌故坐上陵歌邁古敷土

稟逾嬰

繼

德寧邦本崇文廣國積

經筵圖濟濟

御論闡喤喤麟籍現然燦鴻都後矣瞻蘭廟聯

睿藻若冥屏沉營

幾暇千章賦編排八載程專言文就範

清愛堂集卷一

南

二集墨交耕素照綿加錦芸藏屋覆耕筆超枚叔疾

論括左邱盲著述全唐輯安危勝代評珠林搜煥爛

寶笈耀瓊琤

盛典踰天祿諸儒競過英

訂謫皆磊磊鑑古莫硜硜

恩逮春秋勝員增大小黃總教培植梓何辛擬荃蘅化已

徇道鐸徵還振巨鎮

允文時

允武惟一本惟精

仁者原無敵

王師亦有征七年籌組練三省潞機槍偵已懲賊紀謀旋